

S sai' kemmen vourstellt projektn va verpesser van ben ver mear as vinva milionen va euro

# De Provinzialjunta hòt se zòmmtroffen en Oachpèrg

*Il comune di Sant'Orsola Terme ha ospitato la seduta della giunta provinciale, nel giorno 17 di marzo. Molte realtà del territorio della valle dei mócheni hanno voluto dare il benvenuto recandosi presso la sede del comune: alpini, carabinieri, vigili del fuoco volontari, Pro Loco, sindaci, il parroco della valle e altri.*

*Fra i temi trattati, è stato fatto il punto sui progetti di sviluppo e messa in sicurezza della viabilità. Per questi interventi sono stati previsti oltre 5 milioni di euro. Al termine dei lavori, è stata consegnata un'icona di ringraziamento al presidente della Provincia Maurizio Fugatti, a suggerire a buoni rapporti tra le amministrazioni.*

Vil lait ont vraischöftn hom gem s guatkemmen en de provinjaljunta en vrait, as de 17 van merz, vour en sitz va de gamoa' va Oachpèrg. S sai' kemmen de alpinen, de vraibillega pompiari, de pirgermoastern van tol, de Pro Loco, der pföff ont vil òndera.

Derbail en de órbetn, de zboa junte (va de gamoa' ont va de provinz) hom se verglaichert; de junta va Oachpèrg hòt vourstellt de órbetn trong envire ont de sèlln as barn kemmen stitzt en de zaitn as kemmen. Derzua, ist kemmen gadenkt der groas projekt va verpesser "Borghi" van PNRR. Zan leistn, s ist kemmen tschenkt a pilt en president va de provinz ver za padönken en van ölls s sèll as er ont de junta hom gatu' ver de gamoa'.

Der Andrea Fontanari, pirgermoaster va Oachpèrg, hòt kein as er ist vroa za hom en de sai' gamoa' de



Foto di Juliet Astafan - Archivio Ufficio Stampa Provincia autonoma di Trento  
Giunta Provinciale a Sant'Orsola, al centro il presidente Maurizio Fugatti e il sindaco Andrea Fontanari

provinzialjunta, ont er hòt gadenkt as vil projektn sai' kemmen trong envire en de leistr jarder prope gèltsgott en de zòmmòrbet pet de junta va de provinz. Der Maurizio Fugatti hòt kein as er boast abia as Bersntol ist bichte ver de ausòndere autonomi as keart en de provinz. Er hòt aa gabellt song as de provinjaljunta bart sai' glaim en de neat van gamoa'amministrazionen, ver za trong envire de projektn as barn kemmen gamöcht.

Oa'n van ziln stitzt oa'ne pet de gamoa'n van tol ist der sell van ben; mear as vinva milionen va euro ver za hom sicherera ont dèsterera ben en tol. Asou, de birtschöft ont der turismus en tol barn kemmen gaholven. De projektn sai' de doin: hom an sicherern plötz en de mitt va de gamoa' va Oachpèrg; gem de mogleket za gea' dèster za vuas va Mala finz en Museum Pietra Viva; versichern ont verbairten der provinzel ba as de tschenken sait van tol; an ettlena órbetn no en de ben en de gamoa'n va Vlarotz ont va Garait; hom an plötz en Palai bou za meing hengen ont vòssn de elektrisch mittln. No en de órbetn va de provinjaljunta, der president Maurizio Fugatti ont der vicepresident Mario Tonina hom pasuacht der museum Pietra Viva, zòmm pet de pirgermoastern va Oachpèrg Andrea Fontanari ont va Palai Franco Moar, ont zòmm pet de asesorn va de junta va Oachpèrg Mauro Paoli ont Marta Alberini. Der Filippo Broll van museum hòt sa pfiart durch en de sal van museum ont er hòt en derzeit de gschicht ont de tröchtn va de gamoa'schöft va Oachpèrg.

Nicola Oberosler

Ka Bologna, de amministrazionen va Vlarotz, Garait, Palai en Bersntol, Oachpèrg, Persn ont Vallelaghi aa hom kriak der prais

## Prais "Plastic Free" 2023 en de gamoa'n van tol




Foto Archivio Ufficio Stampa PAT

De vraischöft "Plastic Free" hòt austaoalt an prais as hòt an groasn bërt ver de umbèlt. De gamoa'n as hom kriak der prais en sòns, as de 11 van merz, sai' seksa: Vlarotz, Garait, Palai en Bersntol, Oachpèrg, Persn ont Vallelaghi aa. Oachpèrg ont Persn hom kriak der doi prais vert aa. "Plastic free" bill song as de lait miasat gabe'n se za prauchen minder plastic en lem va òllo. De lait miasat gabe'n se za prauchen de plinder mear vert, a'ne bérven sa vort no an oa'zegen prauch. Dòs ist runt bichte ver de umbèlt, bavai de plinder gamöcht pet plastic móchen kemmen greaser s umbèlttschbissn. Der doi bichte trèff hòt gahòp der patrocinio van Europeische Parlament ont van Minister ver de umbèlt. En trèff hom toaganommen aa der president van CEI, der kardinal Matteo Maria Zuppi, ont der vicepresident va de Autonome Provinz va Trea't, der Mario Tonina. Prope der vicepresident va de Provinz hòt kein as der doi prais bill song vil ver de Provinz, ont as de Provinz bill stitzt projektn "plastic free" trong envire van gamoa'n. De Autonome Provinz va Trea't bill sai' an balsipil ver de òndern as de temen va de umbèlt, as en de zaitn as kemmen barn versichern a verpesser ver de eirter va pèrg. De vraischöft Plastic Free hòt tschatzt mear as 360 zbschn gamoa'n ont vraischöft, ont za leistn de hòt gem der prais en de ingern gamoa'n, ont en òndera gamoa'n van Balschloni aa, no en 22 kriteri. Zbschn de òndern kriteri, nèt vortbèrven de plinder as men praucht nea'mer (zan balsipil nem en de stros, bou as nea'met sicht); stitzn projektn en de schualn ont vraischöft ver za learnen en de lait abia za tea' ver za prauchen minder plastic ont ver za óchtn de umbèlt; ausrotn zuazoln vern òllgamo'bòsser; stitzn zòmmòrbetn pet de vraischöft Plastic Free.

Nicola Oberosler

## Trèff asn tema: klöffen zboa sprochen



De profesoren Patrizia Cordin va de Universitet va Trea't ont viareran va "Bilinguismo conta" bart se trèffen pet de dockteren Karin Martin ver za klöffen as an ausòndern tema, van titl: "Bilinguismo di serie A e bilinguismo di serie B". De profesoren, auskennt va sprochen minder kennt ont va mearsprocheket, bart klöffen va bos as bill song prauchen, en lem va òllo, mear as an oa'zega sproch. Der trèff ist offet en òlla, ont der ist bichte iberhaup verlearn ont ver eltern; de enteressiartn meing se innschraim umansist as internet. Der trèff ist an webinar ont er bart se hòltn en pfinsta as de 30 van doi mu'net, um 18 zobenz. "Bilinguismo conta" ist an dinst as gip informazionen en de gamoa'schöft as de temen van klöffen mear as an oa'zega sproch en lem va òllo. De ziln van dinst sai' za gem omport en eltern ontlearn; za lòng bissn s guat van klöffen mear sprochen; learnen abia za tea' ver za stitzn de jingern za klöffen zboa sprochen; gem informazionen as de leistr untersuachen asn tema va mearsprocheket; stitzn de mogleketn za trèffen se zbschn vraischöftn ont gamoa'schöftn as klöffen zboa sprochen.

## Festa di paese a Roveda in valle dei mócheni

LA RICORRENZA ANNUALE DEDICATA AL PATRONO SAN ROMEDIO È UN APPUNTAMENTO SENTITO DA TUTTA LA COMUNITÀ

Domenica 12 marzo, presso Roveda in valle dei mócheni, è stato festeggiato il patrono san Romedio, con la celebrazione della messa da parte del parroco della valle don Romeo Zuin, alle tre del pomeriggio presso la chiesa del paese. La chiesa, edificata nel corso del 1700 e restaurata negli ultimi anni del 1800, è dedicata a san Romedio, l'eremita del IV secolo che conobbe san Vigilio vescovo di Trento, lasciò le sue proprietà alla diocesi e visse gli ultimi anni della sua vita stabilendosi in val di Non, dove si trova il ben noto santuario. Nel corso della celebrazione, il parroco ha ricordato la figura del santo. La festa del patrono di Roveda è un appuntamento che vede sempre la partecipazione viva della comunità. Anche quest'anno erano presenti il sindaco Luca Puecher, il gruppo alpini,



Il Gruppo alpini di Frassilongo - Roveda, che ha contribuito ad organizzare l'evento – foto di Vincenzo Laner

i vigili del fuoco volontari, il gruppo giovani... L'evento ha richiamato, oltre ai paesani, anche qualche persona dai comuni limitrofi, che ha voluto partecipare al momento di convivialità. La ricorrenza annuale, che doveva essere in gennaio secondo quanto prevede il calendario liturgico, è stata spostata di comune accordo per consentire la piena ripresa in salute del parroco. A seguire, il Gruppo alpini di Frassilongo - Roveda ha organizzato un rinfresco, allestendo tavolate e pance, portando thé, vin brûlé e altre bibite. Il punto di rinfresco si è arricchito dei dolci preparati e offerti dai paesani stessi.

Nicola Oberosler